

ՀԱՄԱՅՆՔ

ԿԱԶԷՐԻՑԻ ՃԱՌԸ

Պ. Պ. դատաւորներ, իմ նպատակս չէ պաշտպանել ինձ ձեր առաջ, ես ցանկանում եմ միայն լուսարանի իմ արարքը: Դեռ նոր պատանի, ես սկսեցի նկատել, որ մեր հասարակութիւնը վատ է կազմակերպուած, որ ամեն օր աղքատութիւնից մղուած թշուառներ ինքնասպանութեան են դիմում, թողնելով կնոջ եւ երեխաներին ամենախղճալի դրութեան մէջ: Հարիւրաւոր բանւորներ գործ են փնտրում եւ չեն գտնում: Մենք տեսնում ենք, ինչպէս անբախդ բնասանիքներ հաց են մուրում եւ ցրտից դողում: Նրանք տանջւում են դաժան աղքատութիւնից: Տեսնում ենք, ինչպէս երեխաները խնդրում են թշուառ մօրից այն, ինչ որ նա չի կարող տալ, որովհետեւ նա զուրկ է ամենից: Տան փալաւները կամ արդէն ծախուած են եւ կամ թէ չէ դրաւ դրած. այն ժամանակ մնում է միայն մուրալ եւ յաճախ էլ ձեռքակալուել, իրրիւ թափառաշրջիկ:

Եթէ ես հեռացայ իմ ծննդավայրից, պատճառն այն էր, որ յաճախ պատահում էր արդունք թափել, որովհետեւ տեսնում էի 8-10 տարեկան աղջիկներին աշխատելիւ օրեկան 15 ժամ եւ նրանց աշխատութիւնը վարձատրւում էր 20 սանտիմով. 18-20 տարեկան աղջիկներ եւ հասակով աւելի մեծերը նմանապէս 15 ժամ աշխատում էին ամենաջնջին վարձով: Այդ ոչ թէ միայն իմ հայրենակիցների հետ է պատահում, այլ եւ ամբողջ աշխարհի բանւորների հետ, որոնք ստիպուած են ամբողջ օրը աշխատել արեւի տակ, երբ նրանց դաժան աշխատանքն արդեն արեւը ծածկում է միլիոններ, իսկ նրանք ստիպուած են ասլուել ամենայեւորն աղ-

քատութեան մէջ: Նրանց կերակուրը բաղկանում է մի քիչ հացից, մի քանի դառլ բրնձից եւ քիչ ջրից, այնպէս որ հասնելով մինչեւ 30-40 տարեքը, աշխատանքից ուժասպառ եղած մեռնում են հիւանդանոցներում: Բացի դրանից, վատ կերակրի եւ ծանր աշխատանքի հետեւանքից, այդ թշուառները վերջի վերջոյ զոհ են դառնում պէշագրա հիւանդութեանը, որով, ինչպէս վկայում են բժիշկները, մեր կողմերում հիւանդանում են նրանք, որոնք գործ են ածում վատ կերակուրներ եւ ենթարկուած են ծանր աշխատանքի եւ զրկանքների:

Ես մտածում էի եւ ինքս ինձ ասում, որ մարդկանց մեծ բազմութիւնը մասնուած է քաղցածութեան, եւ երեխաներն էլ տանջվում են, քանի որ քաղաքներում կայ բաւականին հաց եւ հագուստներ, որովհետեւ ես տեսել էի բազմաթիւ մեծ խանութներ լիքը բրթէ կտորներով եւ նմանապէս շատ պահեստներ ցորենի, եգիպտացորենի, որոնց շատ մարդիկ կարիք ունեն, եւ միւս կողմից տեսել եմ հազարաւոր մարդիկ, որոնք ոչինչ չեն արել, ոչ մի բան չեն արդիւնարեւել, ապրում են բանւորների աշխատանքով, մի օրում ծախում են հազարներ իրենց քէֆի համար, անպատու են աղքատ աղջիկներին, 40-50 սենեակներից բնակարան ունեն, 20-30 ձիաներ, բազմաթիւ սպասուորներ, մի խօսքով կեանքի բոլոր բաւականութիւնները: Ինչպէ՞ս ինձ ցաւ էր պատճառում տեսնել այդ անիրաւ եւ վատ կազմակերպուած հասարակութիւնը եւ յաճախ եւ ինքս ինձ կրկնում էի. «Այժմ հատարակութեան անհաւասարութեան պատճառը նրանք են, որոնք իրենց ձեռքն են հաւաքել սկզբնական հարստութիւնը»:

Երբ ես մանուկ էի, ինձ սովորացնում էին սիրել հայրենիք, բայց երբ ես տեսայ, որ հազարաւոր բանւորներ թողնում են իրենց ծննդա-

վայրերը եւ իրենց զաւակներին, մայրերին եւ հայրերին կատարեալ աղքատութեան մէջ, եւ ինձ ստեցի. Հայրենիքը գոյութիւն չունի աղքատ բանւորների համար: Մեզ համար հայրենիքը ամբողջ աշխարհն է: Նրանք, որոնք քարոզում են հայրենիքի սէր, անում են նրա համար, որովհետեւ դորա մէջ գտնում են իրենց շահը եւ ապրուստը: Թռչուններն էլ են պաշտպանում իրենց բունը, որովհետեւ նրա մէջ նրանք լաւ են:

Ես հաւատում էի Աստծուն, բայց երբ ես մարդկանց մէջ տեսայ այդպիսի անհաւասարութիւն, ես հասկացայ, որ ճիշտ չէ որ Աստուած ստեղծել է մարդկանց, այլ մարդիկ են ստեղծել Աստծուն եւ որ նրանց, որոնք պահելով ժողովրդին տգիտութեան մէջ ցանկանում են յարգել տալ իրենց անհատական սեփականութիւնը, ձեռնադրում է որ ժողովուրդը հաւատայ դժոխքին եւ արքայութեանը:

Շնորհիւ այդ ամենի, ես դարձայ անիշխանական:

1891 թուի մայիսի մէկի անցքերից յետոյ, երբ աշխարհիս բոլոր բանւորները արտայայտում էին իրենց պահանջները, բոլոր կառավարութիւնները, թէ միապետական եւ թէ հասարակապետական, պատասխանեցին զէնքերով եւ բանտով, շատ բանւորներ սպանուեցան կամ բանտերում փակուեցան: Այդ ժամանակից սկսած ես դարձայ անիշխանական, որովհետեւ իմացայ, որ անիշխանական իդէալը համապատասխանում է իմ գաղափարներին: Միայն անիշխանականների մէջ ես գտայ լաւ եւ անկեղծ մարդիկ, որոնք գիտին գործել բանւորների բարօրութեան համար:

Ես էլ սկսեցի քարոզել անիշխանական մտքեր եւ շուտով անցայ գործին:

Ես երկար չեմ ապրել Ֆրանսիայում, բայց այդ կարճ ժամանակամիջոցում, ես համոզուեցայ, որ բոլոր կառավարութիւնները միմեանց նմանում են: Ես տեսայ ինչպէս խեղճ Հիւսիսային հանքահաններն իրենց ընտանիքները կերակրելու համար բաւականին վարձ չը ստանալով, բողոքեցին գործադուլով եւ երեքամսեայ կռուից յետոյ, ճնշուելով քաղցից, ստիպուած

էին գործել նախկին պայմաններով: Բայց կառավարութիւնը ամենեւին հոգ չտարաւ այդ հազարաւոր բանւորների վրայ, որովհետեւ այդ ժամանակ զբաղուած, մեծ տոնախմբութիւններ էր պատրաստում, Փարիզում, Տուլոնում, Մարսէլում, ի պատիւ ռուս-ֆրանսիական դաշնակցութեան:

Ասում էին, որ պէտք է նոր հարկեր աւելացնեն այդ տոների համար հարկաւոր միլիոնները գտնելու, եւ նրանք, որոնք ծախել են իրենց խղճմտանքը բուրժուազիային, այսինքն խմբագիրները, ամբողջ յօդուածներ էին գրում, որ Ֆրանսիայի եւ Ռուսաստանի դաշնակցութիւնը մեծ օգուտ կը տայ բանւորներին: Մինչդեռ մենք, խեղճ բանւորներս, գտնում ենք նոյն թշուառութեան մէջ եւ ստիպուած ենք տանել նոր հարկեր, որպէս զի վճարել կառավարութիւնների մեծ տոնախմբութեան ծախսերը, իսկ յետոյ, երբ պահանջում ենք հաց եւ աշխատանք, մեզ պատասխանում են հրացանի հարուածներով, ինչպէս Հիւսիսում հանքահաններին, Սիբիրիայում հողագործներին եւ շատ ուրիշներին:

Վերջերքս Վայեանը ռումբ ձգեց դեպուտատների Պալատը, ներկայ կարգերի դէմ բողոքելու համար: Նա ոչ ոքին չսպանեց, միայն վիրաւորեց մի քանիսին, բայց այնուամենայնիւ բուրժուազական դատարանը նրան մահուան դատապարտեց եւ չբաւականանալով յանցաւորին դատապարտելուց, սկսեցին հալածել անիշխանականներին, ձերբակալելով հարիւրաւորներին ոչ այն պատճառով, որ նրանք ճանաչում էին Վայեանին, այլ այն պատճառով, որ նրանք յաճախել են անիշխանական ժողովներին:

Բայց կառավարութիւնը չէր մտածում նրանց կանանց եւ երեխաների մասին, եւ ոչ միայն նրանք էին տանջուում, որոնք ձեռքակալուած, բանտերում փակուած էին, այլ եւ նրանց որդիքը հացի էին կարօտ: Բուրժուազական արդարադատութիւնը հոգ չէր տանում այդ խեղճ անմեղների վրայ, որոնք դեռ եւս չէին ճանաչում հասարակութիւնը. նրանք լիճն մեղաւոր են, որ իրենց հայրերը բանտումն են, նրանք միայն քաղցած են:

Եւ այսպէս չարունակեցին խուզարկութիւնսնսնիւր անել, նամակներ բանալ եւ գրուել, արգելի ժողովները ու հրապարակաստութիւնները, եւ այդպիսով սկսեցին մեր դէմ ամենատոր հալածանքներ գործ դնել:

Դեռ այսօր էլ ձերբակալուած են հարիւրաւոր անխիշտանականների, մի որեւիցէ թերթում յօդուած գրելու կամ հրապարակաւ մտքեր արտայայտելու համար:

Այսպիսով, եթէ կառավարութիւնները մեր դէմ գործ են ածում զէնքեր, չլթաներ եւ բանտ, միթէ մենք, անխիշտանականներս, որ պաշտպանուած ենք մեր կեանքը, պէտք է տանք փակւենք: Միթէ պէտք է յետ կանգնենք մեր գաղափարներից՝ ճշմարտութիւնից: Ո՛չ, ընդհակառակը, մենք կ'պատասխանենք կառավարութիւններին դիմամիտով, ուռմբերով, երկաթով եւ սրով: Ո՛ր խօսքով մենք պարտաւոր ենք ամեն ջանք գործ դնել բուրժուազիային եւ կառավարութիւններին ոչնչացնելու համար:

Էմիլ Հանրին ձգեց իւր ուռմբը բուրժուազական ընտորան, իսկ ես վրէժնիւղիւ եղայ սրով:

Դուք, պ. պ. երգուեալ դատաւորներ՝ բուրժուազական հասարակութեան ներկայացուցիչներ էք. դուք ցանկանում էք իմ գլուխը, վերջէք նրան: Բայց չսխալուէք, որ դրանով կարգիւէք անխիշտանական պրօպագանդան: Զգուշացէ՛ք, որովհետեւ ինչ կը ցանէք, այն էլ կը հնձէք: Կառավարութիւնները սկսել են նահատակել. Բսերէսում երկաթէ գործիքներով խեղդեցին, Չիկագօյում կախաղան բարձրացրին, Փարիզում գիլիօսիսով գլխատեցին, Բարցէյօնում հրացանի բռնեցին: Նահատակների վերջին խօսքերն էին՝ «Մահ բուրժուազիային»:

Այդ խօսքերը անցան ծովեր, գետեր եւ լճեր. նրանք տարածուեցին քաղաքներում, փոքր գիւղերում, միլիօնաւոր բանւորների բնակարաններում: Բանւորների այդ բազմութիւնը, մինչեւ այժմ թոյլ էր սալիս իրեն ղեկավարել այն անձերին, որոնք իշխում են նրանց վրայ ընկերութիւնների, կօրպօրացիաների, համաքեարական միութիւնների եւ ուրիշ խափափաշական շատ միջոցների պատրուակով եւ որոնք միայն ծառայում են փառասէրներին, իրենց

երեսփոխաններ, քաղաքային խորհրդի անդամներ ընտրել տալու համար. նպատակ ունենալով միայն լաւ ապրել առանց աշխատելու: Բայց այժմ վերջապէս հասկանում են, որ միայն մի բան կարող է բանւորների իրաւունքը ճանաչել սալ, այն է բռնի յեղափոխութիւն բուրժուազիայի դէմ:

Երբ այդ տեղի կունենայ, այլ եւս բանւորները աղքատութիւնից ստիպուած ինքնասպանութեան չեն դիմիլ, երկար տարիներ նրանք չեն տանջուիլ բանտերում, այլ եւս կ'դատարեն նրանց կախաղան բարձրացնել, գնտակահար անել, երկաթէ գործիքներով խեղտել, գիլիօսիսով գլխատել, իսկ բուրժուաները, թագաւորները, նախագահները, քրէական եւ քաղաքական դատարանների նախագահները կը մեռնեն ժողովրդի պատնէշների առաջ եւ սօցիալական յեղափոխութեան կրակից:

—o—

ԿԱԶԵՐԻՑԻ ԻԻՐ ՄՕՐԸ ԳՐԱՅ

Ն Ա Մ Ա Կ Ը.

Լիւն, 3 օգոստոսի 1894.

Սիրելի մայրիկ,

Ես ձեզ գրում եմ այս երկու առողջ իմ մահւան պատժի դատապարտութիւնս ձեզ իմացնելու համար: Ի՜նչ պիտի մտածէք դուք իմ մասին: Ո՛հ իմ սիրելի մայր, դուք չը գիտէք ինչ մտածել եւ ի հարկէ չատերը ձեզ կասեն, որ ես մի մարդաւայան եւ մի չարագործ եմ: Սակայն դուք ճանաչում էք իմ սիրտը եւ այն մեղմութիւնը, որ երբեմն ձեզ մօտ ունէի: Է՛հ լաւ, այսօր գեռեւս իմ սիրտը մի եւ նոյնն է: Եթէ իսկապէս ես կատարեցի այն գործը, պատճառը այն է, որ ես յոգնել էի այսպիսի սէզ աշխարհ տեսնելուց:

Շնորհակալութիւն տէր Ալէքսանդրօ՛վն, որ եկել էր ինձ տեսնելու, բայց ես չուզեցայ խօստովանուել:

Առ այժմ ես ձեզ աւելի ոչինչ չեմ ասում,

ես կաշխատեմ աւելի ուշ ձեզ գրել: Բարեւում եմ ձեզ, իմ եղբայրներիս, իմ սիրելի քրոջս եւ բոլոր իմ բարեկամներին եւ ազգականներին:

Ստացէ՛ք հազար համբոյրներ ձեր սիրելի որդւոց:

Սանտո

Մենք մեր այս համարի ճակատը զարդարում ենք Կազէրիօի ճառով. ճշմարիտ, որ իւր պարզ եւ զգացուած ոճով մեզ ներկայացնում է այդ ճառը իւր հեղինակին իր մարդկային ազգի բարօրութեան եւ ազատութեան մի նահա- տակ:

Բայց տեսէ՛ք թէ բռնաւորների լրբութիւնը մինչեւ ո՛ւր է գնում. — Կազէրիօին ներկայա- ցնում են իրո՛ւմի ստոր չարագործ, մի ճիւղ, մի սարսափ մարդկային ազգի: Նա, որ ամբողջ աշխարհը իւր հայրենիքն է համարում, բոլոր բռնաւորները՝ իւր եղբայրները եւ ամեն հարս- տահարուածները իւր հարազատները, նա որ ամբողջ մարդկութեան համար մահը գրկեց առանց սառսուռի, նրան մարդկութեան թըշ- նամի ներկայացնել. — ո՛հ, այս զազրելի է....

Մենք յարգանքով սեղմում ենք Կազէրիօի մեզ մեկնած արիւնալի ձեռքը. նա մեռաւ յանուն արեգերքի հարստահարուածների: Յե- ղափոխական գործը մի է: Ամեն ազգի աշխա- տաւորներն էլ անխորի հարստահարվում են: Բոլոր հարստահարուածների նպատակն էլ մի եւ նոյն է: Յեղափոխականը ինչ ազգի էլ պատկանում լինի եւ ո՛ր երկրումն էլ լինի, խեղդում են նրան, խեղդելով նրա կոկորդում իւր ազատութեան սիրով այրուած սրտի վեր- ջին աղաղակը: Ազատ Ֆրանսիայում արդելե- ցին հրատարակել Կազէրիօի ճառը, անշուշտ վախճանով որ այդ գաղափարի նուիրուած հերոսի պարզ եւ գրաւիչ խօսքերը կարող էր յարգանք եւ սէր ծնուցանել այն հասարակու- թեան սրտում, որի համար նա զոհվեց:

Հայ յեղափոխական, կարգա՛ւ այդ մեծ յե- ղափոխականի վերջին կտակը եւ խոնարհուելը նրա վսեմ յիշատակի առաջ:

ԱՆԻՇԽԱՆԱԿԱՆ ԳԱՂԱՓԱՐԸ

ԵՒ

ԻՒՐ ԶԱՐԳԱՑՈՒՄԸ:

Անիշխանութիւն նշանակում է իշխանու- թեան բացասումն: Բայց իշխանութիւնը ցանկանում է արդարացնել իւր գոյութիւնը, առարկելով որ պէտք է պաշտպանել հա- սարակական հիմնարկութիւնները՝ Ընտանիքը, Կրօնը, Սեփականութիւնը ևն. նա ստեղծել է մի շարք գործիքներ իւր գործադրութիւնն և իւր սեփական վաւերացումն ապահովա- նելու համար: Այդ գործիքներից գլխաւոր- ներն են. Օրէնքներ, Պաշտօնեաներ, Զօրք, Օրէնսդիր և Գործադիր իշխանութիւններ ևն: Այնպէս որ, հարկադրուած լինելով պատասխանել ամենին, անիշխանական գաղա- փարը ստիպուած է հարուածել բոլոր հա- սարակական նախապաշարմունքները, խորը թափանցել մարդկային բոլոր գիտութիւնների մէջ, ապացուցանել որ իւր հայեացքները համապատասխան են մարդու մարմնաւոր ու հոգեկան ձգտումներին և բնական օրէնք- ների պահանջներին, մինչդեռ ներկայ կար- գերը դէմ են ամենատարակաւ տրամաբա- նութեան և ողջամտութեան և հէնց դրա համար էլ մեր հասարակութիւններն ան- հաստատ են, նրանք կործանւում են յեղա- փոխութիւններից, որոնք յառաջ են գալիս ներկայ անարդար կարգերով ճնշուած մարդ- կանց սրտերում հաւաքուած ոխից:

Ուրեմն կռուելով իշխանութեան դէմ, անիշխանականները ստիպուած են հարուա- ծել այն բոլոր հիմնարկութիւնները, որոնց իշխանութիւնը պաշտպանում է և միեւնոյն ժամանակ աշխատում է ապացուցանել այդ հիմնարկութիւնների կարեւորութիւնը, որպէս զի արդարացն է իւր գոյութիւնը:

Այդպիսով անիշխանական գաղափարների

շրջանակը մեծացաւ: Սկսելով մի հասարակ քաղաքական հերքումից, անիշխանականը ստիպուած եղաւ նմանապէս հարուածել տնտեսական և հասարակական նախապաշարմունքները, որոնք մի հասարակական ձև, ուր գոյութիւն չունենայ ներկայ հասարակական կարգերի հիմք կազմող անհատական սեփականութիւնը և միևնոյն ժամանակ բաւականութիւն տայ դէպի ապագայ կազմակերպութիւն տանող ներկայ ձգտումներին. այդպիսով Համայնականութիւն (կոմունիզմ) բաւը բնականաբար տեղ բռնեց անիշխանութիւն բառի մօտ:

Բիշ յետոյ մենք կը տեսնենք, որ վերացական գատողութիւններով զբաղողներից ոմանք պնդում են, ասելով, որ քանի անիշխանութիւնը յայտարարում է անհատական կատարեալ ազատութիւն, անիշխանութիւնը և համայնականութիւնը չեն կարող միմեանց ընդգրկել: Հակառակ այդ սխալ գատողութեան մենք կապացուցանենք, որ անհատը միայն համայնականութեան մէջ կարող է զարգանալ և որ վերջինս չէ կարող գոյութիւն ունենալ եթէ անհատի զարգացումը ազատ չէ, մի խօսքով մէկը միւսին լրացնում է:

Հէնց քննելու և լուծելու խնդիրների բազմատեսակութեան շնորհիւ է, որ անիշխանական գաղափարները յաջողութիւն են ունեցել և այդ հանգամանքը նպաստել է նրանց արագ տարածուելուն. սկսելով պրոպագանդայի միջոցներից զուրկ մի անյայտ խմբից, այսօր շատ թէ քիչ նրանք թափանցում են գիտութեան, գեղարուեստի և գրականութեան մէջ:

Իշխանութեան ատելութիւնն և հասարակական (սոցիալական) պահանջները շատ վաղուց են ծագել, այսինքն այն ժամանակից, երբ մարդս սկսեց հասկանալ, որ ինքը ճնշուած է: Բայց գաղափարը քանի՞ քանի՞ շրջաններով և սխալմաններով է անցել մինչև եկել է հասել իւր այժմեան արտայայտութեան ձևին:

Բարէն առաջիններից մէկը եղաւ, որ արտայայտեց նրա նախագիծը իւր „Թէէմ" արբայի կեանքը՝ գրքում, բայց որքա՞ն մութ կերպով.

1793 թուին խօսք կար անիշխանականների մասին: Մեզ թւում է, որ Ժակ Բոն և „կատաղեալները" ամենից ճիշտ են հասկացել Ֆրանսիական Մեծ Յեղափոխութիւնն և ամենից շատ են ջանք գործ դրել յեղափոխութիւնը ժողովրդի օգտին ծառայեցնելու համար: Այդ պատճառով բուրժուայ պատմաբանները նրանց դերը քիչ ուսումնասիրելով, թողել են մթութեան մէջ: Նրանց պատմութիւնը դեռ նորից պէտք է գրել. . . .

Անիշխանութիւնը միայն Պրուդոնի ժամանակ ձևակերպուեց և հանդիսացաւ իբրև կառավարութեան և իշխանութեան թշնամի: Բայց սա դեռ լոկ մի տեսական թշնամի է, գործնականապէս, իւր հասարակական կազմակերպութեան մէջ, Պրուդոնը դեռ ընդունում է, տարբեր կոչումների տակ նոյն բոլոր վարչական կարգերը, որոնք կազմում են կառավարութեան էութիւնը: Նապօլէոնի կայսրութեան վերջին անիշխանութիւնն ստանում է մի անորոշ միւլտիւալիզմի (փոխադարձութիւն) ձև, որը Փարիզի Համայնքից յետոյ, հետզհետէ գալիս է և ձուլւում „արդիւնաբերող և սպառող ընկերութիւնների" շեղուած և շեղուեցնող հոսանքի մէջ:

Բայց մինչև այդ անգոյն վախճանին հասնելը, աճող ծառից մի ձիւղ արդէն բաժանուել էր: Ինտէրնացիոնալը (Միջազգային Բանուորական Միութիւնը) ծնել էր Շվեյցարիայում „Իւրայի Դաշնակցութիւնը", ուր Բակունինը տարածում էր Պրուդոնի գաղափար անիշխանութիւնը՝ իշխանութեան մերժումը, բայց աւելի զարգացնելով ու լայնացնելով սերտ կերպով կապելով սոցիալական պահանջների հետ:

Հէնց այդ ժամանակից է սկսում ներկայ անիշխանական շարժման շրջանը: Բայց դեռ

շատ նախապաշարմունքներ էին մնացել և դեռ շատ հակասութիւններ էին երևան գալիս արտայայտած գաղափարների մէջ: Գործող կազմակերպութիւնը դեռ ընդունում էր շատ վարչական մնացորդներ, իշխանական գաղափարի շատ տարրեր կենդանի էին մնացել, բայց ինչ փոյթ, շարժումը սկսուել էր, գաղափարը աճեց, զտուեց և հետզհետեւ աւելի պարզուեց:

Հազիւ 13 տարի սրանից առաջ, երբ անիշխանութիւնը սկսեց արմատանալ Փրանսիայում, Կենտրոնի ժողովում, թէեւ նա դեռ թոյլ էր, իսկ նրա ընդունողները մի աննշան փոքրամասնութիւն էին կազմում, թէեւ բացի դրանից նրա դէմ էին ոչ միայն այժմեան հասարակական կարգերի հաստատիրները, այլ և այն կեղծ յեղափոխականները, որոնք ցանկանում են օգտուել ժողովրդի բողոքներից կառավարութեան մասնակցելու համար — բայց և այնպէս գաղափարն ունէր բաւական տարածուելու յատկութիւն ինքն իրեն արմատ բռնելու համար, առանց որեւէ պրօպագանդի, բացի նրա ընդունողների բարեհաճութիւնից, նա ունէր բաւականին կենդանութիւն, որ կապիտալիստական կարգերի պաշտպանները նրան հայհոյեն, հալածեն և որ անաչառ մարդիկ նրա մասին վիճեն. ահա այդ ամենը վկայում է նրա ոյժի և կենդանութեան մասին:

Չը նայած հասարակաց կարծիքի ինքնիրեն ղեկավար երևակայող այլ և այլ բախտախնդիրների հարուածներին, չը նայած զրպարտութիւններին, նշովքներին, դատապարտութիւններին, բանտերին, իւր ոյժի շնորհիւ անիշխանական գաղափարը միշտ առաջ է գնում: Խմբեր են կազմվում, պրօպագանդայի համար հրատարակութիւն է լինում Փրանսիայում, Բելգիայում, Իտալիայում, Իսպանիայում, Փորթուգալիայում, Հոլանդիայում, սլաւոնական լեզուներով, գերմաներէն, հրէերէն, չէխերէն, հայերէն, վերջապէս շատ թէ քիչ ամեն տեղ, ամեն բարբառով: Բայց աւելի նշանաւորն այն է, որ դժգոհների մի

փոքր խմբի մէջ ծնունդ առնելով անիշխանական գաղափարները տարածուեցան հասարակութեան բոլոր շրջաններում: Նրանք թափանցում են ամեն տեղ, ուր մարդս զարգացնում է իւր մտածողութեան ընդունակութիւնը: Արուեստները, գիտութիւնը, գրականութիւնը ներշնչուած են նոր գաղափարներով և նպաստում են նրանց տարածուելուն:

Սկզբներում այդ գաղափարներն անգիտակցաբար էին արտայայտուում, նրանք անորոշ ձգտումներ էին և երբեմն էլ աւելի ֆրազներ, քան հաստատ համոզմունքներ: Այսօր ո՛չ միայն անիշխանական ձգտումները ձևակերպուած են, այլ և դիտեն, որ անիշխանութիւն են քարոզում և բացարձակ պարզում են նրա դրօշակը:

Միայն անիշխանականները չեն, որ բոլորը վատ են գտնում և մի փոփոխութիւն են ցանկանում: Այդ գանգատներն և ձգտումները դուրս են գալիս այնպիսիներից, որոնք իրենց կապիտալիստական կարգերի պաշտպան են կարծում: Բացի այդ մարդ սկսում է զգալ, որ միայն ապարդիւն բաղձանքներով չպիտի բաւականանալ, այլ հարկաւոր է աշխատել իր ցանկացածն իրականացնել, բնականաբար սկսում են ըմբռնել և ցանկանալ գործ, պրօպագանդա գործով, այսինքն համեմատելով մարդուս ստացած զուարճութիւնն, երբ նա իր մտածածի պէս է գործում, այն անախորժութիւնների հետ, որոնք առաջանում են վարչական մի որ և է օրէնքի հակառակ լինելուց, մարդիկ սկսում են աւելի ու աւելի յարմարեցնել իրենց ապրելու ձևն իրենց մտածողութեան հետ:

Եթէ անիշխանական գաղափարներն հեշտ և արագ տարածուեցան, պատճառն այն է, որ թէեւ նրանք դէմ են սովորական գաղափարներին, գոյութիւն ունեցող նախապաշարմունքներին, թէեւ նրանք առաջի անգամ լսողին վախեցնում, խրտնեցնում են, բայց այնուամենայնիւ նրանք համապատասխան են

մարդուս ներքին զգացմունքներին և մոլոր
 ձգտումներին: Գործնական ձևով նրանք ա-
 ուջարկում են մարդկութեանը իրագործել
 ազատութեան և բարեկեցութեան այն իդե-
 ալը, որը նա հափել է համարձակուել նա-
 խագծել իւր յուսալիւր երազներով: Առաջի
 անգամից նրանք երկիւղալի են թւում հա-
 կաճառողին, որովհետեւ նրանք քարոզում են
 ատել կամ չը յարգել մի շարք հիմնարկու-
 թիւններ, որոնց գոյութիւնը հասարակական
 կեանքի համար այժմ կարեւոր է համարվում:
 Որովհետեւ սովորական գաղափարների հա-
 կառակ, նրանք ապացուցանում են, որ այդ
 հիմնարկութիւնները վնասակար են ո՛չ այն
 պատճառով, որ թող կամ չար մարդիկ են
 նրանց ղեկավարները, այլ վատ են նոյն իսկ
 իրանց եղութեամբ: Նրանք սովորեցնում են
 ամբոխին, որ չպէտք է բաւականանալ իշխող
 անհատների փոփոխութեամբ կամ ներկայ
 հիմնարկութիւնների մասնաւոր բարեկոր-
 դութեամբ, այլ որ ամենից առաջ հարկաւոր
 է ոչնչացնել այն, ինչ որ փչացնում է մարդ-
 կանց և հնարաւոր է դարձնում մի փոքրա-
 մասնութեան հասարակական ոյժերից օգ-
 տուելու և մեծամասնութեանը ճնշել, և այն,
 ինչ մինչև այժմ համարուել է մարդկութեան
 ցաւի պատճառ, միայն հետեւանք է մի ուրիշ
 արմատական ցաւի, որի մէջ պէտք է մեղա-
 դրել հասարակութեան հիմքը:

Ինչպէս տեսանք վերելում, հասարակու-
 թեան հիմքն անհատական սեփականութիւնն
 է: Իշխանութեան միակ կոչումն է պաշտ-
 պանել կապիտալը: Անիշխանականներն աշ-
 խատել են ցոյց տալ, որ անարդարութիւն է,
 երբ հողն և անցեալ սերնդների աշխատանքի
 արդիւնքը պատկանում է մի բուռն անգործ-
 ների, որ իշխանութիւնը վնասում է մարդ-
 կային զարգացման, որ նրա դերն է հովա-
 նաւորել արտօնեալներին և վերջապէս այն
 սկզբունքները, որոնցով իշխանութիւնն ար-
 դարացնում է իւր գոյութիւնը, անհիմն են:

Անիշխանական գաղափարները ոչ մի

դէպքում չեն կարող ծառայել անձնական
 շահերին, տգեղ փառասիրութեան և ամենին
 միջոց չեն տալ այլ և այլ բախտախնդիրնե-
 րին օգտուել ժողովրդի բողոքներից իրենց
 համար մի տաք տեղ պատրաստելու: Այդ
 պատճառով էլ բախտախնդիրներն և փառա-
 սէրները ստիպուած հեռանում են նրանցից,
 իսկ մտածողները սկսում են ուսումնասիրել
 և քննել թէ նրանք ինչ նորութիւն են
 պարունակում: . . .

Այսպիսով անիշխանական գաղափարը
 փառամոլների ատելութեան առարկայ դար-
 ձաւ, բայց միևնոյն ժամանակ նա արթնացրեց
 բարեխիղճ մարդկանց մէջ հետազօտելու
 ցանկութիւն. դրանով է բացատրվում անիշ-
 խանական գաղափարի արագ տարածուիլը:

Եւ իրաւ, ի՞նչ կը պատասխանէք այն
 մարդկանց, որ ձեզ ապացուցանում են թէ ձեր
 գործերը լաւ կարգի գցելու համար չպէտք
 է մի ուրիշին յանձնել, այլ դուք ինքներդ
 պիտի նրանցով զբաղուէք: Ինչպէ՞ս կը
 յանդիմանէք այն մարդկանց, որոնք ձեզ
 ցոյց են տալիս, թէ ազատ ապրելու համար
 չպէտք է ոչ ոքին ձեզ վերայ իշխան նշա-
 նակէք: Ի՞նչ ասել նրանց, որ ցոյց են տա-
 լիս ձեր ցաւերի պատճառները և նրանց
 դարմանելու միջոցը, չեն ասում, թէ իրենց
 ձեռքով միայն ցաւը կը բուժուի, այլ ընդ-
 հակառակը, հասկացնում են անհատներին,
 թէ ամէն ոք ընդունակ է ըմբռնել իր շա-
 հը, ընտրել իր բռնելիք ուղին:

Անիշխանական գաղափարները խոր հա-
 մոզմունքներ ներշնչեցին անհատներին: Այդ
 համոզմունքները տարածելու համար առանց
 անմիջական շահ աչքի առաջ ունենալով՝
 նրանք կռիւ են մղում և ամեն հալածանք
 յանձն առնում: Այդ երևոյթը գրաւեց ա-
 նաճառ մարդկանց ուշադրութիւնը, որով նը-
 րանք արժանի գտան ուսումնասիրել նոր գա-
 ղափարները: Բնական է, որ չնայած ոմանց
 աղաղակներին, միւսների թշնամութեան, կա-
 ուավարութիւնների հալածանքներին, գաղա-

փարն անդադար աճում և առաջագիմում է, ցոյց տալով բուրժուազիային, որ ճշմարտութիւնը ոչ կարելի է ոչնչացնել և ոչ խեղդել: Ըստ թէ ուշ պէտք է հաշիւ տեսնել նրա հետ:

Անիշխանութիւնը ունի իր զոհերը, իր նահատակները, բանտարկեալները, պսոթեալները, բայց նա ուժեղ և կենդանի է մնում: Նրա քարոզիչների թիւն անդադար աճում է: Ոմանք քարոզում են գիտակցաբար, որովհետև զգացել են գաղափարի բոլոր գեղեցկութիւնները, միւսները՝ պատահական քարոզիչները՝ բաւականանում են միայն ապրտամբական կոչնակ արձակելով մասնաւորապէս այն հիմնարկութիւնների դէմ, որ ամենից աւել է ոտնակոխ արել իրենց ամենաթանգ զգացմունքները կամ արդարութեան և ճշմարտութեան փափագը:

Անիշխանական գաղափարներն այնքան լայն են, որ նրանց դրօշակի տակ ամեն ոք տեղ է գտնում, երբ նրա համար թանգ է իր անհատական պատիւը և երբ նա ծարաւ ունի Արդարութեան, Գեղեցիկի և ճշմարտութեան:

Արդեօք մարդուս իդէալը չէ՝ թօթափել ամեն կապ, ամեն ճնշում: Արդեօք այն բոլոր յեղափոխութիւնները, որ նա արել է, նոյն նպատակը չե՞ն ունեցել:

Եթէ մարդս դեռ տանում է իր կեղեքիչների իշխանութիւնը, եթէ մարդկային միտքը դեռ ճնշուած է կապիտալիստական հասարակութեան ցածութեան տակ, պատճառն այն է, որ ժառանգած գաղափարները, բուսիման, նախապաշարմունքները և տգիտութիւնը մինչև այժմ աւելի ուժեղ են եղել, քան իր բաղձանքներն ու ազատական փափագները և դրա համար հենքին վրէժ-դելուց յետոյ նա իր գլխին նոր իշխաններ է հաստատել, երեւակայելով թէ այդպիսով կազատուի:

Անիշխանական գաղափարները լոյս տարածեցին ոչ միայն աշխատաւորների մոտքի

վերայ, այլ և զանազան մտածողների և օգնեցին նրանց լաւ քննել իրենց սեփական զգացմունքները, մերկացնելով թշուառութեան ճշմարիտ պատճառները և նրանց վերացնելու միջոցները, ցոյց տալով ամենին հետեւեղք ճանապարհը և հասնելի նպատակը. բացատրելով թէ ինչու վիժեցին անցեալ յեղափոխութիւնները:

Անհատների սրտագին զգացմունքների հետ ունեցած այդ սերտ յարաբերութիւնով է բացատրվում նրանց արագ տարածուիլը, նրանց յիժը. և դրա համար էլ նրանց զուպել անհնարին է: Զայրացած կառավարութիւնները թո՛ղ անօրինեն ճնշող օրէնքներ, կատաղած յուսախաբ փառամոլները թո՛ղ փրփրեն ինչքան կուղեն նրանց և նրանց տարածողների դէմ: Այսօր արդէն ճանապարհը բաց է, ոչինչ չի արգելիլ նրանց առաջ ընթանալ, թշուառների իդէալը դառնալ և նրանց յեղափոխական փորձերի շարժառիթը լինել:

Կապիտալիստական հասարակութիւնն այն աստիճան կեղծ և նեղ է, որ լայն գաղափարները նրա ազդեցութեան տակ գտնուում են չափազանց ճնշուած, իսկ շատ բարի ձեգտումներ և փափագներ ոչնչանում են: Որքան անհատներ, որոնք չգիտեն գլուխ ծռել նեղ հայեացքների առաջ, ոտնակոխ են լինում և աւելի ու պակաս չափով վերադառնում: Նոյն իսկ եթէ նրան յաջողի ժամանակաւորապէս խեղդել այժմեան անիշխանականների ձայնը, բայց և իւր ճնշումները առաջ կը բերեն նոյնչափ անզուսպ ապստամբներ:

Ժան Գրով

ՄԻՋԱԶԳԱՅԻՆ ՅԵՂԱՓՈԽԱԿԱՆ ՇԱՐՓՈՒՄ

Ի Ս Պ Ա Ն Ի Ս

Ա զ ա տ ու թ ե ա ն ն ա հ ա տ ա կ ն ե ր .

Բարցեղօնում մայիսի 21-ին կառավարութիւնը գնտակահար անել տուաւ հետեւեալ վեց ան-
իշխանականներին. Ս երեզիւեւա, Ս օ գ ա ս ,
Արշ, Բ եր ն ա տ , Ս ա բ ա տ եւ Կ օ գ ի ն ա :
Այդ վեց աշխատասէր եւ համեստ բանւորները
դատաւարտուած էին իրբեւ Պալլասի ընկերներ
եւ նրա գործակիցներ :

Պալլասի համարձակ քայլը սարսափ ձգեց
կառավարութեան վրայ. ինչպէս մի վիրաւոր
զազան, վարչութիւնը հաւաքեց իւր վերջին ոյ-
ժերը, անասելի հարուածներ տուաւ յեղափոխա-
կաններին. նա չէր կարող երեւակայել մի անհատի
մէջ այնքան ոյժ, այնպիսի յանդուգն քայլ ա-
նելու համար : Պալլասի անուան տակ նա հա-
րիւրաւոր անհատներ էր փնտռուած եւ իրաւ,
միայն Բարցեղօնում 500 մարդ ձերբակալուեցան :

Այդ 500-ից վերոյիշեալ վեց յեղափոխական-
ները մահի դատաւարտուեցին :

Ի՞նչ էր դրանց մեղքը :

Պալլասի ընկերներն էին, նրանցից ամեն
մէկը կարող էր վրէժխնդիր լինել իւր պաշտելի
ընկերով մահուան համար : Մի խօսքով կառա-
վարութիւնը սարսափում էր այդ ազնիւ ու
աներկիւղ մարդկանցից եւ դրա համար էլ
նրանք մահու արժանացան :

Մայիսի 21-ին առաւօտեան բանտի սրահը
շրջապատուած էր բազմաթիւ զինւորներով :
Հերթով դուրս բերին մահապարտներին դա-
տաւճիւր կարգաւ եւ ստորագրել տալու հա-
մար : Նրանք դուրս եկան իրենց խցերից զուարթ,
երգելով անիշխանական ազատաշունչ երգեր :
Նրանց ստանաւարտութիւնը եւ արհամարհանքը
թէ՛ դարմանք եւ թէ՛ սարսուռ էր ազդում շըր-
ջապատողների վրայ : Բոլորը մերժեցին ստորա-
գրել իրենց մահաւճիւրը, առարկելով, որ իրենք
ամենը են, միայն Կօղինան հաստատ ձեռքով
ստորագրեց ասելով .

— Ամեն ինչ վերջացաւ, այժմ կաշխատենք
պատուով մեռնել

Մահապարտները ցանկութիւն էին յայտնել
տեսնել իրենց ընտանիքներին, միայն Կօղինան
մերժել էր, ասելով . — «Իմ հայրս ծեր է եւ
հիւանդ, նրան միք անհանգստացնիլ. իմ ընտա-
նիքը մի քանի տխուր ըրպէսներ պիտի անցկայ-

նի ինձ ահանելով, աւելի լաւ է խոյս տալ
դրանից : Ես ցանկանում եմ մեռնել, ինչպէս
պէտք է մեռնել իմ հանդամանքներում :»

Անկարելի է նկարագրել այն տեսարանը, երբ
մահի դատաւարտուած հայրերը գրկախառնուում
էին իրենց զաւակների եւ կանանց հետ. նրանց
զաւակների հեծեմանքը, ամուսինների արտա-
սուրբ, նրանց վերջին հրաժեշտի գրկախառ-
նութիւնը մարդու սիրտ էին կտրատում . . .
Բայց գազան կառավարութեան վճիռն անփոփո-
խելի էր, նրա խիղճը քարացել էր լացի եւ
թշուառութեան ձայնից . . .

Սաբատի կինը աներեւակայելի յուսահա-
տութեան մէջ էր :

Արշի կինը, կնոջ քոյրը եւ երեսնները միա-
սին գրկախառնուել էին, այնպէս որ հնար
չկար նրանց բաժանել :

— «Տեսէ՛ք ձեր գործը, անիրաւնե՛ր, — աղա-
ղակում էր Արշը . — Տեսէ՛ք մի ընտանիք թըշ-
ւառութեան մէջ . . . Արքեօք ե՛ս էի ուսմը
ձգողը, Բանտարկութիւնը ձեզ բաւական չէ՞ր,
ձեզ արիւն է հարկաւոր, այնպէս չէ՞ : Մարդա-
սպանե՛ր, մարդասպանե՛ր . . .

Սոգասի ընտանիքը շատ անմխիթար գրու-
թեան մէջ էր : Այնտեղ էին նրա կինը, իւր
փոքրիկ աղջիկը եւ չորս քոյրերը : Նրանք լուռ
համուրուում էին եւ միայն լսում էր Սոգասի
ձայնը, որ անդադար կրկնում էր . «Ո՛հ, իմ խեղճ
աղջիկ, իմ թշուառ աղջիկ» :

Բերնարտին տեսնելու էր եկել նրա հայրը :
Թշուառ ծերունին խեղդում էր արտասուք-
ներից եւ կրկնում . «Ա՛խ, իմ սիրելի որդի, ահա
վշտեր, որ սփոփել անկարելի է» :

Սաբատը գիմեց իւր ընտանիքին եւ իւր չորս
զաւակներին հետեւեալ խօսքերով .

— «Ես ձեզ արգելում եմ լալ եւ ձեզ պատի-
րում եմ վրէժխնդիր լինել : Տեսէ՛ք ինչպէս են
մեռնում եւ սովորեցէ՛ք մեռնել, եթէ հարկը կը
պահանջի : Լա՛ւ լսեցէ՛ք, ես վրէժխնդրութիւն
եմ պահանջում, վրէժխնդրութիւն» :

Վերջապէս հասաւ ըրպէս Առաւօտեան ժամը
ճն էր : Երկինքը մթնել էր : Ահռելի կայծակ-
ներից յաջորդում էին որոտումները : Անձրեւը
հեղեղի պէս թափւում էր եւ աւելի եւս զար-
հուրելի դարձնում այդ հոգեւտանջ ըրպէսները :
Կարծես ամբողջ ընտրութիւնը բողբոջում էր կա-
տարուելի ոճրագործութեան դէմ . . .

Խցիցը դուրս գալիս, Սաբատն ասաց իւր
վիճակակիցներին .

— «Գեղեցիկ եղանակ, ընկերներ՛ր»

Կօղինան առաջ էր գնում, գլուխը բարձր

բռնած. նրա քայլերը հաստատ էին եւ երեսը խաղաղ: Միւսները նոյնպէս գնում էին լուռ եւ հանդարտ:

Երբ գինւորների գունդը կազմուեց, վեց անիշխանականների աչքերը ծածկեցին սպիտակ կտաւի կտորներով եւ հրամայեցին նրանց ծունկ չոքել: Կոդինան եւ Սարատը դիմադրեցին, ցանկանալով անպատճառ կանգնած մնանել, բայց նրանց էլ ստիպեցին:

Սովորութեան համեմատ քահանան սկսեց իւր կեղծաւոր դերը կատարել. «Հաւատամք» կարդալով, թունաւորեց նահատակների նոյն իսկ վերջի վայրկեանները:

— Հաւատամք 'ի մի Աստուած, 'ի Հայրն ամենակալ. . . սկսեց քահանան:

— Մարդասպաններ, — խօսքը կտրեց Սարատը:

— Կեցցէ՛ Անիշխանութիւն, — գոչեց Արշը:

— Մնա՛ք բարեւ, իմ երեսնաներ, — աղաղակում էր Սօգասը:

Այդ բոլորն զօրագունքը կրակ է անում: Անիշխանական մարտիրոսները ընկնում են գնդապետների կարկտի տակ:

Բայց ո՛չ ամենքը: Կոդինան եւ Սարատը ծնկան վրայ են, անշարժ: Մի նոր զօրախումբ է գալիս, կենդանի մնացածներից մի քանի քայլ հեռաւորութեան վրայ կանգնում: Աստիճանաւորը հրամայում է՝ «կրակ»: Սարատը ընկնում է. Կոդինան դուռ իր տեղն է, անշարժ: Մի զինւոր բոլորովին մօտենում է եւ հրացանը վրան պարպում, բայց որովհետեւ զոհը գետնին ընկած դեռ չարժվում է, նա վերջ է տալիս այդ գաղանային տեսարանին հրացանի հարուած տալով գլխին.

Մի մարդ չըջապատողների շարքերը պատռելով մօտենում է դիակների կոյտին: — Ո՛ւր էք գնում: Ի՞նչ էք ուզում:

— Ես ուզում եմ տեսնել եղբօրս, որին դուք սպանեցիք:

Այդ Արշի եղբայրն էր.

Այնտեղ, ծովի վրայ, տատանւում էր Նավարի բանտանաւը, որի մէջ չորս հարիւրից ավելի անիշխանականներ սպասում էին իրենց զատապարտութեանը: Նրանք լսել էին հրացանների ձայնը եւ շատ յուզուած էին.

Թ Ի Ի Ր Ք Ի Ա

Յեղափոխական անցքերը, ժողովրդային շարժումները Թիւրքիայում վերջի տարիներս բազմացել են եւ օրից օր տարածւում, ընդհանրաւորւմ են: Հայաստանում, Անատոլիայում, Կրեւտէ կղզում, մինչեւ իսկ Կ. Պօլսում, սուլթանի քթի տակ, յեղափոխական ցոյցերը շարունակւում են: Հայաստանի եւ Փոքր Ասիայի շարժումները ժողովրդական գոյն են կրում, այն տեղ գործողները միմիայն անհատներ չեն, ինքը ժողովուրդն է յեղափոխական: Պօլսում շարժումն աւելի անհատական տէրրօրի բնաւորութիւն է ստացել:

Յունիսի 18-ին մի անյայտ յեղափոխական գիշեր ժամանակ ուռմբ է ձգում յայտնի մատնիչ Մկրտիչ Թիւթիւնճիէֆի տունը. դժբախտաբար մատնիչը բացակայ է լինում տնից:

Աղանի վրայ սպանութեան փորձ անող Յակոբը կառավարութեան վայրենի տանջանքներին չդիմանալով, մեռնում է բանտում:

Ստեփան եւ Թագաւոր սերաստացի հնչակեանները ծանր վերաւորում են Սիմօն պէյ Մաքսուտին: Դատարանը նրանց „101“ տարւայ աքսոր է դատապարտել, իսկ սերաստացի Համարձումին եւ պօլսեցի Ստեփան անունով ոսկերիչին, իբրեւ նոցա մեղսակիցներ, դատապարտել են՝ առաջինին 6 տարով, իսկ երկրորդին 8 տարով բերդարգելութեան:

Յունիս ամսին «Հ. Յ. Դաշնակցութեան» հրոսակային խմբից մէկը Գարաքիլիսէ քրդաբնակ գիւղի մօտ պատահում է տաճկական կանոնաւոր զօրքին: Չորս ժամ քաջաբար կռուելուց յետոյ, խմբին յաջողւում է երկու զինւոր սպանել եւ ազատուել: Միայն Մկրտ եւ Առաքել անունով երիտասարդները ձերբակալւում են:

Մշի եւ Սասնոյ վիճակն անտանելի է, գրէթէ ամբողջ գաւառներ պաշարման դրութեան մէջ են: Բանտերի մէջ թշուառ յեղափոխականներին դարձուրելի տանջանքներ են տալիս՝ կարմրացրած երկաթներով այրում են մարմինները, մահուան հասցնող ծեծ են տալիս, սոված ու ծարաւ են պահում, այդ բոլորը սովորական են Համիդի կառավարութեան համար: Եւ երբ Նօր է անունով յեղափոխականը համարձակւում է բողոքել այդ անիրաւութիւնների դէմ, նրան զանակոծելով մեռցնում են բանտի մութ խորշերում: Չնայած այդքան բարբարոսու-

Թիւններին շարժումը քանի գնում աւելի եւ աւելի է տարածւում:

Վերջերքս Պոլսից հեռագրում են եւրոպական թերթերին. — Մշում ընդհանուր ապստամբութիւն է ծագել, ժողովուրդը ջարդել է տեղային զօրքերը: Կարինից 2,500 հոգուց բաղկացած մի բանակ են ուղարկել ապստամբութիւնը զսպելու համար:

ՌՈՒՍԱՍՏԱՆ

Ռուսաց յեղափոխական շարժումը նորից ոյժ եւ կենդանութիւն է ստանում:

Վերջին լուրերի համեմատ Օդեսայում 160 ձերբակալութիւններ են եղել մի դաւադրութեան առթիւ:

Երբ մայիս ամսին ռուսաստանի զանազան քաղաքներում 500-ից աւելի մարդիկ կալանաւորեցին, այդ ժամանակ ոստիկանութեան ձեռքն ընկաւ մի նոր կուսակցութեան պրօկլամացիայի մի մասը (6,000 օրինակ): Այդ կուսակցութիւնը կոչւում է «Ժողովրդի Իրաւունքի Կուսակցութիւն» (Պարտիա Նարոճնավօ Պրավա): Նշանաւոր է Կուսակցութեան ծրագրի վերջին կէտը.

«Ուշադրութեան առնելով, որ Ռուսաստանը միատարր ամբողջութիւն չի կազմում, այլ շատ բարդ քաղաքական մարմին է, ուստի քաղաքական ազատութեան անհրաժեշտ պայմանն է, որ նրա մաս կազմող ամեն մի ազգութիւն իրաւունք ունենայ քաղաքականապէս ինքնուրոյն կազմակերպուել»:

Այսպիսով ռուս յեղափոխականն իւր ժողովրդի ազատութեան ահհրաժեշտ պայման է համարում ռուս կառավարութեան հպատակ բոլոր ազգութիւնների ազատութիւնը: Մի՞թէ այդ ազգութիւնները չ'պիտի մտածեն իրենք իրենց վիճակի համար: Լեհաստանի յեղափոխականները թէ գործով եւ թէ պրօպագանդայով միշտ յառաջ են տանում յեղափոխական գործը, ամեն տարի նրանք բազմաթիւ զոհեր են տալիս ազատութեան դատի համար: Բայց ի՞նչ է անում հայ կամ վրացի յեղափոխականը:

Ոչ ի՞նչ, կամ գրէթէ ոչ ինչ:

Մեր կարծիքով հայ եւ վրացի յեղափոխականները պէտք է ոյժ տան Ռուսաստանի ընդհանուր յեղափոխութեան, նրանք թէ գործով եւ թէ պրօպագանդայի միջոցով Կովկասում յեղափոխական ոյժ պիտի պատրաստեն, բարեկամական ձեռք պիտի մեկնեն ռուս յեղափո-

խականին եւ նրա հետ միասին տապալեն անարդ կառավարութեան լուծը:

Թո՛ղ չ'առարկեն, որ հայ յեղափոխականն զբաղուած է Տաճկա-Հայաստանի շարժումով եւ թէ ոյժերը բաժանելով, Տաճկա-Հայաստանի յեղափոխութիւնը կը վնասուի:

Մենք բոլորովին հակառակ չենք ռուսահայ յեղափոխականին Տաճկա-Հայաստանում գործելուն: Ընդհակառակը, յեղափոխական գործը միշտ եւ ամեն տեղ ուրր է: Բայց ի՞նչ ասել այն բազմաթիւ յեղափոխականներին, որոնք Տաճկաստան անցնելու եւ այնտեղ գործելու հնար չունեն, անտարբեր ու ձեռնուռնայն նստում են, առանց նկատելու, որ իրենց առաջ գործելու լայն ասպարէզ կայ եւ որ այնտեղ էլ բռնաւորը ճնշում է խեղճ եւ աղքատ ժողովրդին. . .

Կարճ կտրելով մեր խօսքը, կասենք, որ ռուսաց միապետութիւնը պէտք է տապալուի միմիայն իւր հպատակ ազգերի համընդհան յեղափոխութիւնից:

Մի ուրիշ անգամ («Համայնքը») կաշխատի աւելի ընդարձակ կերպով շօշափել այդ կարեւոր խնդիրը: Մամուլի կոչումն է լինել մի որոշ շրջանի ձգտումների թարգման եւ ասպարէզ տալ այդ շրջանի մէջ ծագող զանազան կարծիքներին, ուստի մենք ամենայն սիրով կ'ընդունենք վերոյիշեալ խնդրի վերաբերմամբ մեզ ուղարկած նկատողութիւնները եւ եզրակացութիւնները:

ԼԵՀԱՍՏԱՆ

Նախորդ համարում մենք յիշեցինք, որ 1794 թ. յեղափոխութեան տարեդարձի օրը, մի խաղաղ ցոյցի առթիւ, բազմաթիւ ձերբակալութիւններ տեղի ունեցան: Յուլիս ամսին ձերբակալուածների դատավճիռը արձակեցին. 161 հոգի, մեծ մասամբ ուսանողներ, 2-3 տարով աքսորուեցան Ռուսաստանի հիւսիսային եւ արեւելեան նահանգները: Բացի ուսանողներից դատապարտեալների թւումը կային եւ մի քանի զրոյներ, ինչպէս «Դլոս» թերթի խմբագիր Պոտոտկին: Վերջինիս 5 տարով Արխանգէլսկ աքսորեցին, բայց բանտարկութիւնն այնքան էր ազդել նրա վրայ, որ այժմ նա խելագարների մի հիւանդանոցում է գտնւում. յոյս կայ, որ առողջանայ:

Վերջի ժամանակներս նոր նոր ձերբակալու-

թիւները տեղի ունեցան. բանտարկել են «Գլոս») թերթի մնացած աշխատակիցներին եւ մի քանի հոգի էլ լեհական («Նիվա») ի խմբագրութիւնից: Բայց մի ուրիշ, գաղտնի թերթ, («Բանուր») անունով, շարունակում է հրատարակել Լեհաստանի ռուսական բաժնում, նորերումս լոյս տեսաւ երրորդ համարը:

«Փշէտովիտ») (Արշալոյս) թերթը, որ խմբագրվում է Լոնդոնում, մեծ քանակութեամբ ներմուծվում է Լեհաստանու Բանուրական կուսակցութեան ձիւտ հաշիւներից երեւում է, որ 1894 թ. առաջի կիսամեակի ընթացքում 24,353 գրքայիններ են տարածուել, առանց հաշուելու, որ մասնաւոր անձեր էլ շատ հրատարակութիւններ են անցկացնում երկրորդ:

Պրօպագանդան, ինչպէս եւ յեղափոխական թերթերի եւ բրօշուրների տարածելը, բազմաթիւ ձերբակալութիւնների պատճառ են լինում: Թէեւ այդ ձերբակալութիւններն զգալի կորուստ են, բայց եւ այնպէս շարժումը բաւական ռեզիւտէ է. հալածանքները խանգարում են գործը, բայց անկարող են նրա առաջն առնել:

Լեհաստանի գերմանական մասում հրատարակվում է միայն սօցիալիստ-յեղափոխական («Գաղէտա Բաբօտնիչեսա») շաբաթաթերթը:

Աւստրիական Լէհաստանի սօցիալիստական կազմակերպութեան մասնակցում են մօտ 20,000 հոգի: Մի տարուայ ընթացքում կազմակերպութիւնը մտնել է 12,600 գուլդէն (մօտ 10,000 րուբլի): 1893 թուի յուլիսից մինչեւ 94 թ. յուլիսը 84 պրօցէսս (դատավարութիւն) են տեղի ունեցել: Բանուրական միութիւնները շատ զարգացած են: Լոյս են տեսնում երեք թերթ, որոնցից մէկը հրէերէնէ:

Բացի այդ, գոյութիւն ունի գիւղացիների ազգային-աւանդաբանական գոյն կրող մի ընդարձակ միութիւն:

ԱՆԳԼԻԱ

Հովանաւորել թիւրքիայի պէս մի բարբարոս պետութեան, ինչպէս Անգլիան է անում, եւ չը շարակուել նրա կիսավայրենի վարք ու բարքից, տարօրինակ բան կը լինէր:

Այսպէս օգոստոսի 23-ին (ն. տ.) Լոնդոնի բանտում «անհնազանդութեան» պատճառով մի իտալացի երիտասարդ անիշխանականի, որը դատապարտուած էր 20 տարով տաժանակիր աշխատանքի, ենթարկում են 50 հարուածի:

Երիտասարդն այդ «քաղաքակիրթ» պատժին չը դիմանալով, չորս ժամից յետոյ վերջին շունչը փչում է:

Անգլիան էլ ունի իւր Յակոբը, այնտեղ էլ բանտում մեռնում են անպաշտպան զոհին: Դեռ կան միամիտ մարդիկ, որ զարմանում են, թէ ինչո՞ւ «լուսաւոր» երկրներում անիշխանականները դիմում են ծայրայեղ միջոցների:

ԾԱՆՈՒՑՈՒՄՆԵՐ.

— Թէեւ Ռուսաստանից ուղարկած նամակները ստացվում են, բայց աւելի ապահով կը լինէր դիմել «Համայնքին» արտասահմանում գտնուող մի ծանօթի միջոցով:

— Բոլոր մեղ դիմողներին ուղարկուած են թերթիս համարները: Եթէ ոմանք չեն ստացել, թող նորից հաղորդեն իրենց ձիւտ եւ պարզ գրած հասցէները:

— Խմբագրութիւնից կարելի է ստանալ հետեւեալ բրօշուրները.

1. Գիւղացիների մէջ . . . գ. 10 սանտիմ.
2. Ս. Բարգիւնայի ճառը. . . գ. 5 սանտիմ.
3. Քաղաքական իրաւունքներ — Հեղ. Պետրոս Կրօպոտկինի. գ. 5 սանտիմ.
4. Պետութիւնների քայքայումը: — Հեղ. Պ. Կրօպոտկինի. գ. 5 սանտիմ.
5. Անիշխանութիւնը: — Հեղ. Պ. Կրօպոտկինի. գ. 5 սանտիմ.
6. Իմ գիւղացի եղբօրը: — Հեղ. Էլիզէ Բէկլիւի. գ. 5 սանտիմ.
7. Ինչու ենք մենք յեղափոխական. — Հեղ. Ժան Գրավի. գ. 5 սանտիմ.
8. Յեղափոխական փոքրամասնութիւնները. — Հեղ. Պ. Կրօպոտկինի. գ. 5 սանտիմ.
9. Քրքիջներ. — Հեղ. Վարդգէսի. գ. 5 սանտիմ.

Թերթիս դիմել հետեւեալ հասցէով.

W. Voynich. (Hamaik). 3, Ifley Road, 3.
Hammersmith, W., London.

Փարիզ. Միջազգային սուլարան.